

Na osnovu člana 363. Zakona o stvarnim pravima Federacije Bosne i Hercegovine („Službene novine Federacije BiH“ broj 66/13 i 100/13), člana 9. Pravilnika o postupku javnog konkursa za raspolaganje nekretninama u vlasništvu Federacije Bosne i Hercegovine, kantona, općina i gradova („Službene novine Federacije BiH“, br.17/14), člana 38. Statuta općine Gornji Vakuf-Uskoplje («Službeni glasnik općine Gornji Vakuf-Uskoplje», broj 1/01, 3/05), člana 88. Poslovnika o radu Općinskog vijeća Gornji Vakuf-Uskoplje („Službeni glasnik Općine Gornji Vakuf-Uskoplje“, broj : 07/13), Općinsko vijeće Gornji Vakuf-Uskoplje, na svojoj _____ održanoj dana _____ donijelo je :

O D L U K U

o odobravanju provedbe postupka prometa nekretnine označene kao k.č.1293/10 k.o. SP_ Gornji Vakuf

Član 1.

Ovom Odlukom daje se odobrenje za prodaju nekretnine (poslovna zgrada), označene kao k.č.1293/10 u površini od 686 m², upisane u zk.ul. br. 85 k.o. SP_Gornji Vakuf na ime općine Gornji Vakuf-Uskoplje sa dijelom 1/1, a kojoj odgovaraju nekretnine po podacima novog premjera označene kao kao : k.p. 1146 u površini od 581 m² k.o.Gornji Vakuf, upisana u popisni list broj korisnika 1202, te nekretnina označena kao k.p.1149/2 u površini od 105 m², nastala cijepanjem od nekretnine označene kao k.p. 1149 iste k.o., upisana u popisni list broj korisnika 1016 k.o.Gornji Vakuf.

Prodaja naprijed navedene nekretnine izvršit će putem javnog nadmetanja.

Član 2.

Početna prodajna cijena nekretnine navedene u članu 1. ove Odluke utvrditi će se od strane Komisije za procjenu vrijednosti nekretnina Općine Gornji Vakuf-Uskoplje.

Član 3.

Postupak javne prodaje provesti će Komisija za provođenje javnog nadmetanja koja je imenovana od strane Općinskog vijeća Gornji Vakuf-Uskoplje .

Član 4.

Komisija iz člana 3. ove Odluke, dužna je da javni oglas prodaje i postupak javnog nadmetanja provede u skladu sa odredbama Pravilnika o postupku javnog konkursa za raspolaganje nekretninama u vlasništvu Federacije Bosne i Hercegovine, kantona, općine i gradova („ Službene novine Federacije Bosne i Hercegovine „, br.17/14).

Član 5.

Ovlašćuje se Općinski načelnik općine Gornji Vakuf-Uskoplje, da sa učesnikom javnog nadmetanja čija ponuda bude utvrđena kao najpovoljnija, zaključi Ugovor u formi notarski obrađene isprave kojim će se regulisati način plaćanja i predaja nekretnine iz člana 1. Ove Odluke, a nakon pribavljanja mišljenja Općinskog javnog Pravobranioca.

Kupac je dužan platiti troškove obrade notarske isprave , takse za uknjižbu, i sve druge troškove koje se odnose na predmetnu kupoprodaju.

Član 6.

Ova Odluka stupa na snagu 8 (osmog) dana od dana objavljivanja u „Službenom glasniku Općine Gornji Vakuf-Uskoplje.“

Broj : _____ /18
Gornji Vakuf – Uskoplje

_____ 2018. god.

PREDSJEDNIK OPĆINSKOG VIJEĆA
Batinić Goran, mag.nov.